



Bilten Saveza općina i gradova Federacije Bosne i Hercegovine



Godina: XVIII

Datum: 31.12.2021.

Broj: 278

ODRŽANA KONSTITUIRAJUĆA SJEDNICA PREDSEDNIŠTVA SKUPŠTINE SAVEZA OPĆINA I GRADOVA FBiH

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmemed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba



Sa sjednice Predsjedništva Skupštine Saveza, Tarčin, 16.11.2021.

Konstituirajuća sjednica novog saziva Predsjedništva Skupštine Saveza općina i gradova FBiH, kojeg čine načelnici/gradonačelnici: Sarajeva, Goražda, Livna, Travnika, Visokog, Banovića, Ljubuškog, Neuma, Hadžića, Kiseljaka, Novog Grada Sarajevo, Bosanske Krupe i Domaljevca -Šamca, održana je 16.11.2021. godine u Tarčinu. Novi saziv Predsjedništva imenovan je na Izornoj skupštini Saveza održanoj 29.09.2021. godine u Neumu. Tom prilikom su pored Predsjedništva izabrani i predstavnici drugih tijela i organa Saveza. Tako je Suad Huskić izabran za predsjedavajućeg Skupštine Saveza, Smiljan Vidić za zamjenika predsjedavajućeg Skupštine, Hamdo Ejubović za predsjednika Predsjedništva Saveza, a Mladen Mišurić-Ramljak za zamjenika predsjednika.

Direktorica Saveza, g-đa Vesna Travljanin informisala je članove Predsjedništva o doprinosu Saveza i pomoći jedinicama lokalne samouprave zahvaćenim poplavama. Predsjedništvo je upoznato, te je zauzelo stavove, vezano za aktivnosti Saveza u pogledu izmjena i dopuna Zakona o principima lokalne samouprave u FBiH, reforme sektora vodnih usluga u FBiH, odnosno izrade Uredbe o metodologiji utvrđivanja najniže osnovne cijene vodnih usluga u FBiH i Programa za unaprijeđenje vodnih usluga u FBiH i korištenja najavljene finansijske i tehničke podrške, kao i drugih tema od interesa za jedinice lokalne samouprave. Pored toga, imenovani su predstavnici Saveza u mnogobrojne radne grupe pri Vladi FBiH i kantonalnim ministarstvima za razvoj turizma, ruralnog razvoja, itd.

Poseban akcenat je bio usmjeren na diskusiju daljnjeg jačanja finansijskog statusa jedinica lokalne samouprave. Naime, Vlada FBiH je 11.11.2021. godine na sjednici u Mostaru donijela Odluku o formiranju radne grupe za izradu metodologije pripadnosti i raspodjele javnih prihoda u FBiH, u koju će biti uključen i predstavnik Saveza. Savez već niz godina ukazuje na potrebu povećanja procenta pripadnosti javnih prihoda za jedinice lokalne

samouprave. Izrađenom analizom je utvrđeno da je neophodno procent povećati na 9,81% sa sadašnjih 8,42%. Ovim povećanjem kompenzirati će se prihodi koje jedinice lokalne samouprave gube kroz raspodjelu prihoda od indirektnih poreza u FBiH, kroz vraćanje vanjskog duga, a koji nije generisan od strane jedinica lokalne samouprave. Sudjelovanje Saveza u radu radne grupe je od iznimnog značaja, jer će interesi općina i gradova biti zastupljeni u samom procesu izrade Metodologije, na način da se poštuje zakonski okvir za funkcionisanje lokalnog nivoa vlasti, ali i principi transparentnosti, pravičnosti i jednakosti.

Također, istaknuti su napori Saveza u kreiranju prijedloga finansijskog mehanizma za podršku jedinicama lokalne samouprave za apsorpciju EU fondova, a posebno u svjetlu potpisivanja IPA 3 Programa. U okviru priprema za izradu prijedloga finansijskog mehanizma, Savez je sačinio analizu stanja i potreba jedinica lokalne samouprave, kao i Studiju opcija za uspostavljanje finansijskog mehanizma. U svojim nastojanjima, Savez je upriličio niz sastanka i razgovora sa relevantnim partnerima i ministarstvima gdje je dobio podršku za izradu ovakvog mehanizma.

Predsjedništvo Saveza je dalo punu podršku svim aktivnostima i nastojanjima Saveza koje za cilj imaju sveukupno jačanje pozicije lokalne samouprave u FBiH.

Predsjedništvo Saveza je također razmatralo informacije o zajedničkim projektima koje Savez provodi u saradnji sa UNDP-om, GIZ-om i drugim partnerima. Rad Saveza podržavaju Vlada Švedske i Švicarske u BiH.

Savez već niz godina ukazuje na potrebu povećanja procenta pripadnosti javnih prihoda za JLS. Analizom je utvrđeno da je neophodno procent povećati na 9,81%, čime bi se kompenzirali prihodi koje JLS gube kroz vraćanje vanjskog duga, a koji nije generisan od strane JLS.

KONSTITUISANE KOMISIJE SKUPŠTINE SAVEZA OPĆINA I GRADOVA FBiH



U proteklom periodu (od oktobra do decembra 2021.) održane su konstituirajuće sjednice svih šest Skupštinskih komisija Saveza.

Za predsjednicu Komisije za razvoj i unapređenje lokalne samouprave izabrana je Selma Velić iz Općine Stari Grad Sarajevo, za predsjednicu Komisije za imovinska pitanja, prostorno uređenje, stambeno komunalne djelatnosti i zaštitu životnog okoliša izabrana je Alma Pinjić iz Općine Jablanica, za

predsjednika Komisije za ustavna i zakonodavna pitanja izabran je Predrag Šupljeglav iz Grada Mostara, za predsjednika Komisije za izbor i imenovanja izabran je Sead Džafić, načelnik Općine Kalesija, za predsjednika Komisije za ekonomski razvoj općina i gradova i finansije/financije izabran je Benjamin Mešak iz Općine Ilidža i za predsjednika Komisije za međunarodne veze, saradnju i evropske integracije izabran je Marijan Oršolić, načelnik Općine Orašje.

PRISUSTVO DIREKTORICE SAVEZA OPĆINA I GRADOVA FBiH NA SASTANKU RADNE GRUPE ZA ODNOS SA ZAPADNIM BALKANOM EVROPSKOG ODBORA REGIJA PRI EVROPSKOM PARLAMENTU

7. decembra 2021. godine održan je sastanak radne grupe za odnose sa Zapadnim Balkanom Evropskog odbora regija pri Evropskom parlamentu, s fokusom na Bosnu i Hercegovinu. Na sastanku se govorilo o proširenju Evropske unije iz ugla lokalnog i regionalnog nivoa vlasti, kao i o 14 ključnih prioriteta koje BiH treba ispuniti kako bi dobila preporuku za otvaranje pregovora o pridruživanju Evropskoj uniji.


Sjednicom je predsjedavao g-din Nikola Dobroslavić, župan Dubrovačko neretvanske županije, a govornici su bili g-din Peter Grk, nacionalni koordinator za Zapadni Balkan i generalni sekretar Bledskog strateškog foruma ispred slovenačkog predsjedništva Vijeća EU, g-đa Ekaterina Dorodnova, zamjenica šefa Delegacije EU u BiH, g-đa Anna Maria Magyar, izjaviteljica Vijeća o paketu proširenja za 2021. godinu, g-din Zlatan Klokić, ministar za evropske integracije i međunarodnu saradnju Republike Srpske, g-din Nevenko Herceg, premijer Hercegovačko-neretvanskog kantona, g-đa Vesna Travljanin, direktorica Saveza

G-đa Travljanin je podcrtala dobru saradnju sa međunarodnim organizacijama poput NALAS-a (Mreže asocijacija lokalnih vlasti jugoistočne Evrope), UNDP-a i Vijeća Evrope, te izrazila nadu u ponovno osnaživanje saradnje sa Evropskom komisijom u BiH i OHR-om s obzirom na njihovu važnu ulogu u BiH.



općina i gradova Federacije Bosne i Hercegovine, g-din Mario Kordić, gradonačelnik Grada Mostara, g-din Salem Marić, predsjednik Gradskog vijeća Grada Mostara, g-đa Irma Baralija, vijećnica u Gradskom vijeću Grada Mostara i g-din Piotr Cichocki, projektni asistent generalnog direktorata Evropske komisije za susjedstvo i pregovore o proširenju.

G-đa Travljanin je u svom izlaganju istakla da lokalne vlasti moraju biti uključene u procese odlučivanja i upoznate sa zahtjevima koje moraju ispuniti, kao i sa svim novim prilikama koje se otvaraju. Lokalne vlasti su te koje aktivno doprinose razvoju Evropske unije i njihova uključenost je jedan od glavnih preduslova za uspješnu implementaciju EU integracija. Upoznala je prisutne o aktivnostima Saveza na polju EU integracija, sa posebnim naglaskom na savezovu inicijativu koja se odnosi na osnivanje finansijskog mehanizma („revolving fonda“) za podršku jedinicama lokalne samouprave pri apliciranju i provedbi projekata finansiranih iz EU sredstava. U svom izlaganju, g-đa Travljanin je podcrtila dobru saradnju sa međunarodnim organizacijama poput NALAS-a (Mreže asocijacija lokalnih vlasti jugoistočne Evrope), UNDP-a i Vijeća Evrope, te izrazila nadu u ponovno osnaživanje saradnje sa Evropskom komisijom u BiH i OHR-om s obzirom na njihovu važnu ulogu u BiH.



Poseban fokus Radne grupe za Zapadni Balkan je bio usmjeren na lokalne izbore održane u Gradu Mostaru u decembru 2020. godine. U ime Grada Mostara govorili su g-din Mario Kordić, g-din Salem Marić i g-đa Irma Baralija.



ODRŽAN SASTANAK U FEDERALNOM MINISTARSTVU FINANSIJA NA TEMU FINANSIJSKOG MEHANIZMA ZA PODRŠKU JLS PRI APLICIRANJU NA EVROPSKE FONDOVE

4.11.2021. godine održan je sastanak u Federalnom ministarstvu finansija/financija, na temu finansijskog mehanizma za podršku općinama i gradovima pri apliciranju na EU fondove.



Prema istraživanju koje je pripremio Savez, značajan broj jedinica lokalne samouprave je već uspješno implementirao projekte finansirane od evropskih fondova, a ova tema postaje značajnija imajući u vidu da će se napretkom BiH ka evropskim integracijama otvoriti mogućnost apliciranja općina i gradova i na nove EU fondove.

Federalno ministarstvo finansija/financija u potpunosti podržava nastojanja SOGFBiH u razvijanju mehanizma kojim bi se pomoglo općinama i gradova u predfinansiranju i sufinansiranju međunarodnih projekata, te će u narednom periodu nastaviti raditi zajedno sa SOGFBiH kako bi se ovakav mehanizam stavio na raspolaganje jedinicama lokalne samouprave u što skorije vrijeme.

Federalno ministarstvo finansija/financija u potpunosti podržava nastojanja SOGFBiH u razvijanju mehanizma kojim bi se pomoglo općinama i gradova u predfinansiranju i sufinansiranju međunarodnih projekata

ODRŽAN SASTANAK U RAZVOJNOJ BANCİ FBiH NA TEMU FINANSIJSKOG MEHANIZMA ZA PODRŠKU JLS



Savez općina i gradova FBiH je nakon analize potreba jedinica lokalne samouprave, kao i dosadašnjih iskustava u pripremi i implementaciji projekata finansiranih iz EU fondova, inicirao uspostavljanje finansijskog mehanizma za podršku pri apliciranju na projekte finansirane iz evropskih fondova. U cilju operacionalizacije mehanizma, dana 08.12.2021. održan je sastanak u Razvojnoj banci FBiH (RBFBiH) na kojem su diskutirani modaliteti ove

podrške. Sastanku su prisustvovali Vesna Travljanin - direktorica Saveza općina i gradova, Dalibor Milinković - izvršni direktor za projekte i razvoj u Razvojnoj banci FBiH, Borislav Trlin - direktor sektora za istraživanje i razvoj u Razvojnoj banci FBiH, konsultant Mirzet Ribić i Halko Basarić - viši savjetnik za finansijska pitanja u Savezu općina i gradova FBiH.

Obostrano je zaključeno da će ovakav finansijski mehanizam pomoći općinama i gradovima u realiziranju projekata finansiranih iz EU fondova, putem opcija predfinansiranja, sufinansiranja i tehničke pomoći, a izravno ili neizravno će, pored privlačenja sredstava iz EU, unaprijediti i kvalitet usluga na lokalnom nivou. U narednom periodu dvije institucije će, u skladu sa planovima rada za 2022., nastaviti sa daljnim koracima u smjeru razvijanja ovog finansijskog mehanizma.



PREDSTAVNICI SAVEZA U POSJETI OPĆINAMA ČELIĆ I LUKAVAC

Predstavnici Saveza općina i gradova FBiH su 22. i 23.11.2021. godine posjetili općine Čelić i Lukavac gdje su održali radni sastanak sa općinskim načelnicima Hrustanović Admirom i Delić Edinom, kao i njihovim saradnicima.

Na sastanku je, između ostalog, razgovarano o saradnji između ovih općina i Saveza općina i gradova FBiH, kao i o mogućnostima za daljnje unaprijeđenje saradnje.

Direktorica Saveza Vesna Travljanin je upoznala načelnike o nekim od aktivnosti koje provodi Savez, posebno naglašavajući uključenost Saveza u izradu zakonskih propisa koji su od značaja za jedinice lokalne samouprave kao što su Zakon o pripadnosti javnih prihoda u FBiH, Zakon o građevinskom zemljištu FBiH i dr.

Istaknuto je da je Savez izradio Analizu pripadnosti javnih prihoda u FBiH kojom je utvrđeno da su općine i gradovi, kroz indirektnu otplatu vanjskog duga FBiH, znatno oštećeni u raspodjeli javnih prihoda u FBiH. Prezentiran je i koncept Revolving fonda za podršku jedinicima lokalne samouprave pri apliciranju na EU fondove.



Posjeta Općini Čelić, 22.11.2021.




Posjeta Općini Lukavac, 23.11.2021.

RODNA RAVNOPRAVNOST JE BITNA OD LOKALNOG DO DRŽAVNOG NIVOA

15. decembra 2021. godine na Jahorini je održana Konferencija „Preporuke za unaprijeđenje primjene alata za radnu ravnopravnost na lokalnom nivou“ u organizaciji Saveza općina i gradova Federacije Bosne i Hercegovine i Saveza opština i gradova Republike.

Integrisanje rodne ravnopravnosti u institucionalni okvir i politike lokalnog nivoa vlasti, predstavlja zakonski definisanu obavezu lokalnih samouprava u oba bh. entiteta.

Konferencija je implementirana u sklopu projekta „Jačanje uloge Saveza opština/općina i gradova u Bosni i Hercegovini“ koje provode Savez općina i gradova Federacije BiH i Savez opština i gradova Republike Srpske, u saradnji sa Savezom lokalnih vlasti i regiona Švedske SALAR i strateškim partnerom Švedskim međunarodnim centrom za lokalnu demokratiju (ICLD),



Švicarska agencija za razvoj i saradnju SDC



Sa konferencije "Preporuke za unaprijeđenje primjene alata za rodnu ravnopravnost na lokalnom nivou", Jahorina, 15.12.2021.

te uz zajedničku podršku ambasada Švedske i Švicarske.

Položaj žena u Bosni i Hercegovini još uvijek nije na zadovoljavajućem nivou. Zaposlenost žena u odnosu na muškarce je dvostruko manja, a žene na istim pozicijama imaju manje plate od muškaraca pokazala su istraživanja Ujedinjenih naroda u

BiH. Prema podacima Međunarodne organizacije rada, žene zarađuju 77% od plate koju zarađuju muškarci.

Upravo je problem nezaposlenosti jedan od ključnih problema prilikom provođenja mehanizama za ravnopravnost spolova na lokalnom nivou. „Najveći problem je nezaposlenost, potom nejednako vrednovanje rada žena kao muškaraca“, navodi Borjanka Krsmanović, koja je zaposlena u Opštini Sokolac. Kaže kako to prepoznaje i u svom radu. „Vjerujte nikada nisu rezultati rada žene prepoznati kao rezultati rada muškarca. To je veoma primjetno i nažalost to je negdje u svijest ovog društva, što je problem, to se nikada nije promijenilo. To je sociološki problem“, smatra Krsmanović.

Već dvanaest mjeseci Savez opština i gradova Republike Srpske zajedno sa Savezom opština i gradova Federacije Bosne i Hercegovine rade sa predstavnicima lokalnih zajednica na mapiranju koji su to najadekvatniji alati, a koji se najmanje koriste ili su najmanje djelotvorni za integrisanje ravnopravnosti spolova u radu jedinica lokalne samouprave.

Kako kaže projekt menadžer Saveza opština i gradova RS, Predrag Pajić, stanje je bolje u odnosu na period od prije deset godina. „Mi imamo napredak. Jednostavno, nismo imali određene dokumente, nismo imali određene komisije, sada ih imamo, to je zaista veliki napredak, ali to ne znači da nije neophodno provoditi dalju edukaciju i jačanje kapaciteta osoba na lokalnom nivou“, kaže Pajić.

Rodna ravnopravnost je jedan aspekt koji se prožima kroz sve sfere društvenog života koje se odvijaju na lokalnom nivou i kroz sve aktivnosti koje Savez opština i gradova provodi u saradnji sa svojim članicama.

Pajić navodi kako su zajedničkim radom došli do preporuka koje su općeg karaktera i koje su primjenjive na sve gradove i opštine, koje kroz obavljanje svojih nadležnosti ovaj aspekt svakako moraju da uključe. „Jedna od preporuka je izrada lokalnih gender akcionih planova, to je ujedno i obaveza lokalnih zajednica, a ono što je još važnije je korištenje jednog takvog dokumenta kao alata provodeći ga kroz godišnje planove. Borimo se da planovi kao dokumenti ne bude nešto što postoji, što egzistira u ladicama pojedinih službenika, nego jednostavno bude alat onih koji provode aktivnosti na lokalnom nivou“, objašnjava Pajić.

Tokom jednogodišnjeg zajedničkog rada, Savezi oba entiteta zajedno sa predstavnicima lokalnih zajednica uočili su da mnoge općine imaju formirane Komisije/Odbori za ravnopravnost spolova, ali da nemaju redovne sastanke, te kada se uspostave često funkcionišu kao „prazni sistemi“. „Naša iskustva su manje-više, zadnjih godina pozitivna, naravno pomaka ima, ali još uvijek ima mnogo toga da se radi kada govorimo o rodnoj radnoj ravnopravnosti. Trenutno bih navela posebno djelovanja komisije za ravnopravnost spolova, jer u većini općina pokazalo se da one postoje samo formalno, ali da nisu dovoljno aktivne“, navodi Umihana Krljević-Omerović, zaposlenica u Općini Doboj-Jug.

Lokalni nivoi vlasti, odnosno općine su najbliži građanima i građankama. Ovaj nivo vlasti donosi odluke koje se najviše tiču života građana. Iz tog razloga, formiranje i efikasnost Komisija za ravnopravnost spolova je najznačajniji institucionalni mehanizam za uspostavljanje rodne ravnopravnosti.

„Jako je bitno formiranje komisije za ravnopravnost spolova i jako je bitno da u toj komisiji budu i predstavnici nevladinog sektora i eksterni članovi, kao i opštinski vijećnici odnosno



odbornici. Značaj komisije za ravnopravnost spolova se ogleda prije svega u praćenju poziva i projekata Gender centara Vlade Republike Srpske i Federacije BiH, kao i ostalih aktivnosti nevladinih organizacija“, objašnjava Borjanka Krsmanović, zaposlenica u Opštini Sokolac.

Tokom 2020. i 2021. godine, Savez općina i gradova Federacije BiH i Savez opština i gradova Republike Srpske, zajedno sa 14 općina/opština/gradova, radili su na analizi efikasnosti mehanizama za rodnu ravnopravnost na lokalnom nivou, sa posebnim fokusom na održivi razvoj „postizanje rodne ravnopravnosti i osnaživanje svih žena i djevojaka“. Kroz taj proces, a iz perspektive rada jedinica lokalnih samouprava, izrađene su preporuke za unapređenje primjene alata za rodnu ravnopravnost na lokalnom nivou. Načini, modeli i mehanizmi unaprijeđenja rodne ravnopravnosti u lokalnim zajednicama obuhvaćeni su u serijalu preporuka, koji je 15. decembra na Jahorini prezentovan učesnicima u okviru konferencije „Preporuke za unapređenje primjene alata za rodnu ravnopravnost na lokalnom nivou“.

Ključni prijedlozi za unaprijeđenje efikasnosti alata za rodnu ravnopravnost na lokalnom nivou definisani su u četiri oblasti, od institucionalnih mehanizama, unapređenje vidljivosti problema i aktivnosti iz oblasti rodne ravnopravnosti, unapređenje organizacije, upravljanja i upotrebe podataka razvrstanih po spolu, te saradnja za rodnu ravnopravnost iz perspektive rada jedinica lokalne samouprave.

Integrisanje rodne ravnopravnosti u institucionalni okvir i politike lokalnog nivoa vlasti, predstavlja zakonski definisanu obavezu lokalnih samouprava u oba bh. entiteta.

Konferencija je održana u sklopu projekta „Jačanje uloge Saveza opština/općina i gradova u Bosni i Hercegovini“ koje provode Savez općina i gradova Federacije BiH i Savez opština i gradova Republike Srpske, u saradnji sa Savezom lokalnih vlasti i regiona Švedske SALAR i strateškim partnerom Švedskim međunarodnim centrom za lokalnu demokratiju (ICLD), te uz zajedničku podršku ambasada Švedske i Švicarske.

Rodna ravnopravnost je jedan aspekt koji se prožima kroz sve sfere društvenog života koje se odvijaju na lokalnom nivou i kroz sve aktivnosti koje oba saveza općina i gradova provode sa svojim članicama.

SAVEZ OPĆINA I GRADOVA FBiH REALIZOVAO 18 OBUKA IZ OBLASTI STRATEŠKOG PLANIRANJA

U okviru "Projekta integriranog lokalnog razvoja (ILDP)" Savez općina i gradova Federacije Bosne i Hercegovine je od oktobra do decembra 2021. godine proveo 18 obuka na temu planiranja i upravljanja razvojem.

Učešće na obuci su uzeli u najvećem broju općinski/gradski vijećnici, te članovi referentnih komisija i uposlenici.

Učesnici obuke imali su priliku da se upoznaju sa regulatornim okvirom iz oblasti razvojnog planiranja i upravljanja razvojem, globalnim ciljevima održivog razvoja i integracijom ciljeva održivog razvoja u planske okvire JLS, ključnim aspektima i procesima upravljanja razvojem i ulogom vijeća, i sl.

Obuke su realizirane u sljedećim mjestima: Tešanj, Tuzla, Jablanica, Mostar, Zavidovići, Novo Sarajevo, Sanski Most, Gračanica, Lukavac, Jajce, Ključ, Doboju Jug, Zenica, Livno, Ilijaš, Breza, Konjic i Vareš.

Obuke su realizirane u saradnji sa UNDP Projektom integriranog lokalnog razvoja i Projektom podrške implementaciji Ciljeva održivog razvoja u BiH. Projekat integriranog lokalnog razvoja je zajednički projekat Vlade Švicarske i UNDP-a.



Sa obuke održane u Konjicu, 9.12.2021.

ODRŽANA OBUKA NA TEMU: „RAZVOJ KOMPETENCIJA IZABRANIH ZVANIČNIKA I UPOSLENIKA OPĆINE ZAVIDOVIĆI ZA USLUGE VODOSNABDIJEVANJA, ODVODNJE I PREČIŠĆAVANJA OTPADNIH VODA

Savez općina i gradova Federacije Bosne i Hercegovine u sklopu Projekta „Regionalna mreža za razvoj kapaciteta za usluge vodosnabdijevanja i otpadnih voda na Zapadnom Balkanu“ (RCDN) je u srijedu, 15. decembra 2021. godine, održao u Zavidovićima obuku na temu: „Razvoj kompetencija izabranih zvaničnika i uposlenika Općine Zavidovići za usluge vodosnabdijevanja, odvodnje i prečišćavanja otpadnih voda“.



Učesće u obuci su uzeli vijećnici i državni službenici Općine Zavidovići, predstavnici nevladinih organizacija i uposlenici JKP „Radnik“ d.o.o. Zavidovići.



Sa obuke održane u Zavidovićima, 15.12.2021.

Cilj obuke je bio da se učesnici upoznaju sa pravim okvirom lokalne samouprave u sektoru vodnih usluga kako bi bolje razumjeli svoju ulogu i odgovornost, da razumiju važnost i potrebe za poboljšanjem organizacije pružanja vodnih usluga na nivou jedinica lokalne samouprave (općine i gradovi), kao i da zajednički razvijaju svoje kompetencije i na taj način osiguraju kolaborativni pristup pružanju vodnih usluga na lokalnom nivou.

Obuku su vodili Amra Hamzić, šef Odsjeka za internu reviziju Grada Tuzla i Amer Halilović, direktor JKP "Radnik" d.o.o. Zavidovići.

Teme koje je obuka obuhvatila su opći aspekti vodnih usluga u općini Zavidovići, upravljanje imovinom i ljudskim resursima, finansiranje vodnih usluga i tarifna politika.

Projekat u okviru kojeg se održava obuka usmjeren je ka povećanju efektivnosti i efikasnosti javnih komunalnih preduzeća iz oblasti vodosnabdijevanja na Zapadnom Balkanu, dajući doprinos boljem pružanju usluga s ciljem povećanja broja stanovništva koje ima pristup uslugama pitke vode i odvodnje, te da bi se zadovoljila pravna stečevina EU (Acquis Communautaire) za okoliš.

Projekat zajednički finansiraju Švajcarski državni sekretarijat za ekonomske poslove (SECO) i Savezno ministarstvo za ekonomsku saradnju i razvoj Njemačke (BMZ), a realizira se kroz GIZ projekat "Otvoreni regionalni fond za jugoistočnu Evropu - modernizacija općinskih usluga" (ORF MMS)".



SAVEZ OPĆINA I GRADOVA FBiH REALIZIRAO TRI OBUKE ZA VIJEĆNIKE U PARTNERSKIM RELOAD OPĆINAMA/GRADOVIMA

Savez općina i gradova Federacije Bosne i Hercegovine u okviru projekta „Podrška razvoju uslužno orijentisane lokalne samouprave u Federaciji Bosne i Hercegovine“, tokom novembra i decembra 2021. godine organizirao je tri obuke na temu: "Transparentno finansiranje organizacija civilnog društva iz budžeta jedinica lokalne samouprave". Obuke su provedene u partnerskim općinama i gradovima u projektu ReLOaD, i to: Centar Sarajevo (18.11.2021.), Vitez (2.12.2021.), i Goražde (16.12.2021.). Tokom januara obuke će se održati još u: Novom Sarajevu, Bihaću, Prozor - Rami i Mostaru.



Sa obuke održane u Goraždu, 16.12.2021.

Obuke su provedene u partnerskim općinama i gradovima u projektu ReLOaD, i to: Centar Sarajevo (18.11.2021.), Vitez (2.12.2021.), i Goražde (16.12.2021.). Tokom januara obuke će se održati još u: Novom Sarajevu, Bihaću, Prozor - Rami i Mostaru.

Na provedenim obukama angažovani su treneri koji izabrani putem javnog poziva i koji su prošli trening trenera, i to: dr.sci Muamer Hodžić i Amra Hamzić, rukovodilac Službe za internu reviziju - glavni interni revizor, Grad Tuzla.

Cilj obuka je bio upoznati vijećnike sa važnošću i prednostima transparentnog finansiranja OCD iz općinskog/gradskog budžeta, kao i predstaviti ulogu općinskih/gradskih vijeća u planiranju i dodjeli sredstava OCD.

Modul obuke je pripremljen u okviru ranije faze Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU) a sprovodi Razvojni program Ujedinjenih nacija (UNDP). Aktivnosti projekta „Podrška razvoju uslužno orijentisane lokalne samouprave u Federaciji Bosne i Hercegovine“ naslanjaju se na projekat ReLOaD2.

ODRŽANA RADIONICA NA TEMU „SOCIJALNO MAPIRANJE - LNOB METODA MAPIRANJA“

U Sarajevu je 23. novembra održana radionica na temu „Socijalno mapiranje – LNOB metoda mapiranja“, u sklopu projekta „Socijalna prava za ranjive grupe (SoRi II)“, u organizaciji GIZ-a (Njemačkog društva za međunarodnu saradnju). Na radionici su predstavljeni rezultati prikupljenih podataka iz socijalnog mapiranja na području dvije lokalne zajednice iz BiH, Jajca i Bijeljine.

Radionici su prisustvovali predsjedavajući koordinacionog tijela za implementaciju SDG BiH (Ciljevi održivog razvoja), Ured Ombudsmana BiH, predstavnici Ministarstva za ljudska prava i izbjeglice BiH, Ministarstva uprave i lokalne samouprave RS, Ministarstva rada i socijalne politike FBiH, predstavnici centara za socijalni rad, NVO koje rade na poboljšanju položaja romske populacije, te predstavnici Saveza općina i gradova Federacije BiH i Saveza općina i gradova Republike Srpske.



Na radionici su razmatrane mogućnosti unapređenja oblasti socijalnih usluga, kao i mehanizmi za poboljšanu vertikalnu koordinaciju i razmjenu prikupljenih podataka na lokalnom nivou sa nadležnim institucijama na entitetskom/državnom nivou, u cilju unapređenja politika utemeljenih na dokazima s fokusom na LNOB (Leave No One Behind) kategorije.

NOVI PROJEKAT ENERGETSKE TRANZICIJE U DRŽAVAMA ZAPADNOG BALKANA I TURSKOJ POMOĆI ĆE GRADOVIMA DA SMANJE EMISIJU UGLJIKA

Gradovi na Zapadnom Balkanu, Turskoj i Evropskoj uniji razmijenili su dobre prakse u rješavanju problema klimatskih promjena i podrške energetske tranziciji na lokalnom nivou na poludnevnoj konferenciji održanoj povodom pokretanja projekta EU za energetske tranzicije: Sporazum gradonačelnika na Zapadnom Balkanu i u Turskoj.

Glavni cilj ovog projekta jeste postizanje napretka u energetske tranziciji i rješavanje problema klimatskih promjena na Zapadnom Balkanu i Turskoj pružanjem podrške gradovima u regiji u ispunjavanju preuzetih obaveza u oblasti energije i klimatskih promjena.

Gradovi kojima se pruža podrška angažirani su na pripremi i provedbi Akcionih planova održivog upravljanja energijom i prilagođavanja klimatskim promjenama (SECAP) u okviru kojih će se obavezati da će do 2030. godine smanjiti emisiju stakleničkih plinova za najmanje 40 procenata i ojačati otpornost na utjecaje klimatskih promjena.

Inicijativa također uključuje podršku realizaciji manjih infrastrukturnih projekata u odabranim općinama, s ciljem da se pokaže kako gradovi uz rješavanje problema klimatskih promjena istovremeno mogu doprinijeti unapređenju kvaliteta života svojih građana. Pored toga će jačanje regionalne saradnje i unapređenje koordinacije aktivnosti između različitih nivoa vlasti i učesnika u ovom procesu ojačati dugoročnu održivost projekta.

U ime Deutsche Gesellschaft für Internationale Zusammenarbeit (GIZ) dr. Natalija El Hage, direktorica za Bosnu i Hercegovinu i Crnu Goru, u svom obraćanju na konferenciji je navela: "U poređenju sa prosjekom EU, zemlje Zapadnog Balkana proizvode deset puta veću količinu CO2 koja je potrebna za ostvarivanje istog bruto domaćeg proizvoda. Iz tog razloga u ime Savezne vlade Njemačke i multilateralnih partnera, kao što je EU, GIZ pruža tehničku i stručnu podršku državama Zapadnog Balkana u rješavanju izazova klimatskih promjena i energetske tranzicije."

Događaju su prisustvovali korisnici projekta, partneri, predstavnici međunarodnih institucija, te predstavnici ministarstava i drugih različitih organizacija. Projekat finansiraju Evropska unija i Savezno ministarstvo za ekonomsku saradnju i razvoj Njemačke (BMZ), a na Zapadnom Balkanu ga provodi GIZ u okviru Otvorenog regionalnog fonda za Jugoistočnu Evropu - Energija, transport i zaštita klime, dok u Turskoj projekt provodi Centralna agencija za upravljanje projektom (CPMA).



SOCIJALNO MAPIRANJE U OPĆINI TRAVNIK

Općina Travnik bit će druga općina iz FBiH u kojoj će biti testirana metodologija socijalnog mapiranja koju je razvio GLZ u okviru SoRi II projekta. Općina Travnik će sprovesti socijalno mapiranje u okviru regionalne mreže za učenje, zajedno sa lokalnom NVO koja je angažovana. Aktivnosti mreže za učenje i sprovođenje socijalnog mapiranja u skladu sa metodologijom projekta, sprovodit će se u periodu od decembra 2021. do juna 2022. godine.



SRETNU I USPJEŠNU 2022. GODINU ŽELI VAM SAVEZ OPĆINA I GRADOVA FEDERACIJE BOSNE I HERCEGOVINE

*Svim našim poslovnim saradnicima, partnerima i prijateljima
želimo sretne blagdane i Novu 2022. godinu*
*Warm Season's Greetings from Association to our Business
Associates, Partners and Friends*



Gledajte Savez općina i gradova
Federacije Bosne i Hercegovine na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu proslijedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.